



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Quòd omnes homines resurgere debeant. c.

urn:nbn:de:hbz:466:1-10722

D. BVRCHAR DI. EPIS. VVORMAC.

æterna plenius damnatione liberentur. Et malibona, quæ pro hac vita faciunt, hic inueniunt, ut ad sola in posterum tormenta pertrahantur. Vnde & ardenti in inferno diuiti dicitur: Memento fili, quia recepisti bona in vita tua, & Lazarus similiter mala. At cū bonis hic bene est, & malis male: incertum valde fit, vtrum boni idcirco bona accipiant, vt prouocati ad aliquid melius crescant, an iusto latenti-que iudicio hic suorum operum remunerationem percipi-ant, vt à p̄mīis vitæ sequentis inanescant. Et vtrū malos idcirco aduersa feriant, vt ab æternis suppliciis corri-gendo defendant: an hic eorum pœna incipiat, vt quādo-que cōplenda, eos ad ultima gehennæ tormenta perduat.

*Quod etiam omnes infideles resurgere debeant ad tor-
menta, non ad iudicium.* Cap. XCIX.

Grego. in suis morib⁹ lib⁹ **R**esurgunt verò etiam omnes infideles, sed ad tormē-tum, non ad iudicium. Non enim eorum tunc cauā discutitur, qui ad conspectum districti iudicis, iam cum damnatione suæ infidelitatis accedunt. Professionem verò fidei retinentes, sed professionis opera, non habentes, redarguuntur vt pereant. Qui verò nec fidei sacramenta tenuerunt, increpationem iudicis in extrema examinatio-ne non audiunt: quia p̄iudicatur infidelitatis suæ tenebris, eius quem despicerant inuectione redargui nō me-rentur, illi saltem verba iudicis audiūt, qui eius fidei verba tenuerūt: isti in damnatione sua æterni iudicis, nec verba percipiunt: quia eius reuerentiam, nec verbo tenuis ser-uare maluerunt. Illi legaliter pereunt: quia sub lege positi peccauerunt: istis in perditione sua de lege nihil dicitur: quia nihil legis habere conati sunt.

Quod omnes homines resurgere debeant. Cap. C.

August. dicit. **O**mniūm hominūm erit resurrectio. Si omnium erit, ergo omnes moriuntur, vt mors in Adam data, omnibus eius filiis dominetur: & maneat illud priuilegium in domino, quod de eo specialiter dicitur, non dabitis sanctum tuum videre corruptionem. Hanc rationem maxi-ma patrum turba tradente suscepimus. Verūm, quia sunt & alii æquè catholici, & eruditī viri, qui credunt anima in corpore manēte, immutandos ad corruptionem, & im-

mortalitatem eos qui in aduentu domini viui inueniendi sunt, & hoc eis reputari pro resurrectione ex mortuis, quod mortalitatē immutatione deponant nō mortem, quolibet quis acquiescat modo non hæreticus, nisi inconventione hæreticus fiat. Sufficit enim in ecclesiæ lege, carnis resurrectionem credere fieri ce morte.

De eadem re. Caput C.I.

Quod autem dicimus in symbolo, in aduentu domini *Ite Aug.*
viuos & mortuos iudicando, non iustos tantum ac
peccatores iudicari, sicut Diodorus significari
putat: sed viuos eos qui in carne inueniēdi sunt dicit. *Quia*
adhoc morituri creduntur, vel immutandi, sicut alij volunt:
vt suscitati continuo vel reformati à mortuis iudicentur.

*Quod angeli apostatae, & impū homines post tormenta
quasi suppliciis expurgati, non iustorum societa-
ti donentur. Caput C.II.*

Post resurrectionem & iudicium, non credamus resurre- *Ite Aug.*
ctionem futuram, quam origenes delirat, vt dæmones
vel impij homines, post tormenta quasi suppliciis expurga-
ti, vel illi in angelicam qua creati sunt redeant dignitatem,
vel in iusti iustorum societate donentur, eo quod hoc diuinæ
conueniat pietati, ne quid ex rationabilibus pereat creatu-
ris, sed quolibet modo saluentur. Sed nos credamus ipsi iu-
dici omnium, & retributori iusto qui dixit: Ibunt impij in
supplicium aeternum, iusti autē in vitam aeternam: vt per-
cipiant fructum operum suorum. Et iterum: Ite in ignem
aeternum, qui paratus est diabolo & angelis eius.

*Quod resurrectio fieri debeat in ætate perfectæ iuuen-
tutis, quæ profectu non indigeat. Cap. C.III.*

Inchoatio pacis sanctorum est in hac vita non perfectio. *Ex dictis*
*I*fidi. *Tunc autem erit plenitudo pacis, dum ad Dei contem-
plationem absorta carnis infirmitate conualuerint. Resur-
rectio mortuorum, vt apostolus ait, in virum perfectum in
mensurā ætatis plenitudinis Christi futura est: In ætate sci-
licet iuuentutis quæ profectu nō indiget, & abfq; inclinatio-
ne defecitus in perfectione ex vtraque parte & plena est &
robusta. Quāvis nūc filiorum Dei nomine homines fideles*

TT. iiiii